

集部

欽定四庫全書文章辨體東選卷一百五十三

集部

主事街日徐以坤覆勘 詳校官中書臣出光復

校對官學正臣翁科索 總校官檢討臣何思釣 曆録监生 臣黄臣鹄

次ピコレ ELEN TO HIN OLD 隋宇文值 月順生 大章辨體示選 東琛式嚴宗祀何當不 明 宮在地成形景千居正 五室九宮統人神之際 復徴 編

我康哉民無能而名矣故使天符地實吐體飛甘造物 |帝陛下提衡握契御辯乘乾咸五登三復上皇之化流 資生澄源反朴九圍清謐四表削平襲我衣冠齊其文 凶去暴丕下武之緒用百姓之異心驅一代以同城康 奏九韶六並之樂定石渠五官三雅之禮乃卜渥西爰 軌茫茫上玄陳珪壁之敬肅肅清廟感霜露之誠正金 食辨方面勢仰草 孟妙思於規模凝碎冕旒致子來於矩獲伏惟皇 **杰神謀敷土濬川為民立極兼書**

以圓帽為隆棟各以臆說事不經見今録其疑難為之 秘簡披大水之靈圖訪通議於殘亡購冬官於散逸總 集衆議勒成一家昔張衡渾象以三分為 **共輪與有序而經構之古識者殊途或以綺井為重屋或** 释皆出證據以相發明 一寸為千里臣之此圖用一分為 上朝議 唐高通 大章辨體景選 度裝秀與

遵先言表置明堂爰詔下臣占星揆日於是採松山之

金ラロル 臣節如掃至乃發掘園寢逼辱妃嬪太后之崩豈稱天 旒之危 医丘非補衣之具董卓地兼形勝手握兵行頭 間兆庶困窮生塗草莽之上於是天地憤怒鬼神號哭 命弘農之廢熟謂人 以極誅求焚燒都邑馳突放横衣冠凍餒倚死牆壁之 而不扶禍則先倡與晉陽之甲君側未除入洛陽之宫 而山東義旗攘袂爭起連 **陵夷桓靈棄德宦官用事國步多艱宗社有級** 心敢諷朝廷以自尊貴大肆剽 一州跨郡皆以誅卓為名故兵

挫於孫堅氣奪於表紹假擬與服黨助奸邪驅魔東人 設定四事全書 同 遺臭萬代骨肉灰燼不其快哉令狄道之人不慙卓之 故神黄允誠天假布手母妻屠戮種族無留懸首燃臍 **脅帝西幸淫刑以逞有湯錢之酷要之縻爛刳剔異端** 土嗟乎仁賢之魄寂寞於丘陵義烈之魂沈埋於泉掉 可得而廟桓玄父子可事於江鄉爾朱兄弟可祠於朔 不臣而務其為鬼茍斯鬼足尚則漢莽可得而神晉敦 謂漢罪可移節塢方盛殊不知禍盈惡稔未或不亡 大草鄉體賣遊

昨忝高會敬受徳音令具賊臣之事悉以條上謹按尚 呈者望秩天地之神祇諸侯祭境內之山川亂臣不 每承餘論飽識公忠之言不達下風盡知仁義之 - 辨體彙選卷一百五十三

張敞議曰少 七日日 駁張敞 Cadan IV 府左馮翊所言常人之所守耳昔生 照罪議漢萬望之 山谷間漢但令罪, 百姓猶不加賦而軍 百五十四 幸牌雅量選 明 用給今弟 撰

得為之屬議者或頗言其法可蠲除今因此令贖其便 金少口月 品所從來久矣何贼之所生敞備皂衣二十餘年當聞 尚有饑乏病死於道路況至來春將大困乎不早 以振救之策而引常經以難恐後為重責常 明甚何化之所亂甫刑之罰小過赦簿罪贖有金選之 不道者百姓所疾苦也皆不得贖首匿見知縱所不當 (贖矣未聞盗賊起也竊憐凉州被冠方秋饒時民 賢於煩擾良民横興賦欽也又諸盗及殺 慮所

經未可與權也敞幸得備列卿以輔兩府為職不敢不 次足马手 窮父兄囚執聞出財得以生活為人子弟者将不顧死 在教化之所助雖堯在上不能去民欲利之心而能令 盡愚蕭望之駁之曰民函陰陽之氣有好義欲利之心 富者得生貧者獨死是貧富異形而法不一也人情貧 而能令其好義不勝其欲利也故堯桀之分在於義利 其欲利不勝其好義也雖桀在上不能去民好義之心 而已道民不可不慎也今欲令民量栗以贖罪如此則 CALL DE 大章辨體東選

以喪如此伯夷之行壞公綽之名減政教 我私下急上也今有西邊之役民失作業雖戶賦口飲 曰爰及於人哀此鰥寡上惠下也又曰雨我公田遂及 召之佐恐不能復古者藏於民不足則取有餘則與詩 以赡其困乏古之通義百姓莫以為非以死救生恐未 |之患敗亂之行以赴財利求殺親戚| 也陛下布他施教教化既成堯舜亡以加也今議開 以傷既成之化臣竊痛之 人得生十 傾雖有周

在ラロレ

卷一百五十

與蓋選舉英才無指定制六奇之策不 過事竊見尚書令左雄議郡舉孝廉皆限年四十以 諸生試章句文吏試箋奏明詔既許復令臣等得與相 疑謀及鄉士詩美先民詢於芻養是以應無失策 臣聞君 **グ竊惟王命之重載在篇典當令縣於日月固於金石** 則百王施之萬世詩云天難謀斯不易惟王可不慎 355 駁左雄察舉議 胡廣 以兼覧博照為德臣以獻可替否為忠書載 THE PLANE 章辨體東選 小出經學鄭阿

便利未明衆心不厭矯枉變常政之所重而不訪台司 政非必章 以致理貢奉之制莫或回革令以 漢承周秦兼覽殷夏祖德師經參雜霸軌聖主賢臣世 之則王言已行臣愚以為可宣下百官參其同異然後 不謀御士若事下之後議者剥異異之則朝失其便 擇勝否詳採厥衷敢以瞽言冒干天禁惟陛下納馬 殿監僕射舉樂之議 凝的明太子 奏甘奇顯用年華强仕終賈揚聲亦在弱冠 臣之言劉戾舊章 同

宣無悲銳歌報奏良亦為此既有悲情宜稱兼慕卒兴 欠ピリト 吹寢奏服限亦然尋傍絕之義義在去服服雖可奪情 今曰張鏡東官儀記云依士禮終服月稱慕悼又云凡 卒哭僕射徐勉左率周拾家令陸襄並同孝綽議太子 曰案張鏡撰東宮儀記稱三朝發哀者瑜月不舉樂鼓)後依常舉樂稱悲竟此理例相符謂猶應兼慕請至 |依常議太子以為疑命僕射劉孝綽議其事孝綽議 月始興王擔薨舊事以東宮禮絕傍親書翰 文章辨體乘遊

悲竟此理例相符尋情悲之說非止卒哭之後縁情為 論此自難一 朝發哀者剛月不舉樂鼓吹寝奏服限亦然劉僕射議 來立意謂猶應有慕悼之言張豈不以舉樂為太 云傍絕之義義在去服服雖可奪情豈無悲鏡歌報奏 金り口に 良亦為此既有悲情宜稱兼慕卒哭之後依常舉樂稱 之言取舍有異此自難一也陸家令止云多思年所恐 事證雖復累稔所用意常未安近亦當以此問外 也用張鏡之舉樂棄張鏡之稱悲 鏡 由

次定四年全書 四 臣伏見天后時有同州下邽人徐元慶者父典為縣尉 司農御明山實步兵校尉朱异議稱慕悼之詞宜終服 他書自己劉僕射之議即情未安可令諸賢更共詳它 疏方之事則成小差可緣心聲樂自外書疏自內樂自 國章雖情或未安而禮不可廢鏡吹軍樂比之亦然書 月於是合付典書遵用以為永难 小所以用小而忽大良亦有以至如元正六佾事為 駁復鄉議 唐柳宗元 大章鄉體景選

獨過之臣聞禮之大本以防亂也若曰無為賊虐凡為 趙師韞所殺卒能手刃父讎束身歸罪當時諫臣陳子 馬該其可在兹謂濫黷刑甚矣在其可誅兹謂僭壞禮 為治者殺無放其本則合其用則異姓與誅莫得而並 子者殺無赦刑之大本亦以防亂也若曰無為賊虐凡 害者不知所立以是為典可乎蓋聖人之制窮理以定 甚矣果以是示於天下傳於後代趙義者不知所向違 建議誅之而旌其閔且請編之於令永為國典臣竊

飲定四車全書 四 ·額號不聞而元慶能以戴天為大恥枕戈為得禮處心 者若元慶之父不陷於公罪師報之誅獨以其私怨奮 考正其曲直原始而求其端則刑禮之用判然離矣何 賞罰本情以正褒貶統於一而已矣嚮使刺謝其誠偽 積處以衝雠人之胸介然自克即死無憾是守禮而行 元慶之父不免於罪師報之誅不愆於法是非死於吏 義也執事者宜有慙色将謝之不暇而又何誅馬其或 其吏氣虐於非辜州牧不知罪刑官不知問上下蒙冒 文章辨散東送

七告也非謂抵罪觸法陷於大戮而曰彼殺之我乃殺 是惑於禮也甚矣禮之所謂讎者蓋以宛抑沉痛而號 禮調人掌司萬人之雄凡殺人而義者令勿雌雄之則 之不議曲直暴寡脅弱而已其非經肯聖不亦甚哉周 馬且其議曰人必有子子必有親親親相雠其亂誰我 吏是悖驁而陵上也執而誅之所以正邦典而又何旌 死有反殺者邦國交讎之又安得親親相讎也春秋、

也是死於法也法其可讎乎讎天下之法而战奉公之

次已日戶 AL 孝死義是必達理而聞道者也夫達理聞道之人豈且 議從事謹議 之道復讎不除害今若取此以斷两下相殺則合於禮 半傳曰父不受誅子復讎可也父受誅子復讎此推刃 **吴且夫不忘讎孝也不愛死義也元慶能不越於禮服** 為典明矣請下臣議附於令有街斯獄者不宜以前 法為敵與者哉議者反以為残贖刑壞禮其不可 文章與體東選

文章辨體氣選卷一百五十四					カンログノー
公百五十四		·			卷一百五十四

諡議 欽定四庫人 欠しり見いら 諡之所繁豈不 吳訥曰按諡法云諡者行 小名白虎通曰, 為善而戒人 行始終不能若 百五十五 深八一九公卿 文章所體深遊 之迹大 朋 、行受大名細行)新是親ラ 其終始明 人賜諡公 編 則

金石 巴尼 有一 附吳的益法考以長卿大夫也卿大夫越君親制之 不知云 好惡之心嗚呼是其所繁豈不甚重乎哉至若近世 從其言然千百載之下讀其詞者莫不油然與起其 柳宋李清臣之議歐陽水叔是也當時雖或未能盡 名儒隱士之没門人 一於朝若晉泰秀之議何曽賈充唐獨孤及之議当晉 父議博士乃詢察其善惡賢否著為諡議以 例情有私益易名之議亦不可 卷一百五十五

惟 周 可說可行等浮諡也諡寶曰使 ジ 周 取皆不故通思法宋法始如太 旦 者祖|知必|二中 ンバ 以仁廣於名史 一太公堂 諡 今於 其緣 百夾 宗[該問]冠在 法 亦此說君 等馬字賜 i i 漈 諸朝 錄者|故上|十鄭|書眉| 香奈五之 附夫|今所|諡棋|列山|然文|以至 嗣 於鄭特賜為後為蘇 皆總伯遣 文章科體豪選 後氏|載善|書本|三洵|後目|仰之 人戴死片 以蘇 卷當 周惡 公莫進氏總奉 詳亦 諡之 大書 功 詔 古公周吏 法能抵增百編人諡道往 有於稱諡損六定誌法也為 編然|者定|十乃|號一|是讀 盖在 所為 八取 增卷 則之 諡世 輯义賜又 以學以上 諸者表中 至傅而有謚按 |孝周||為春||之禮 家亦|其下 之不實三宗公之秋制記

恭敬有他執應 諡法遂叙諡法諡者行之迹也號者功之表也 もりて ,靖民則法曰皇好平易不告曰簡告致德象天地 章也是以大行受大名細行受小名行出於已名 蓝號民無能名曰神不名一善 此尊賢貴義曰恭 日恭恭奉立志及聚 曰君能行執事堅固曰恭行狂從之成產 ハ方 一百五十 公私此尊賢敬讓 一義歸往曰王 過能改 徳不懈曰簡 歸民 服位

賦得實所 民大應口定以應悉惠愛民口文 ***** 養態民惠禮曰文 巨文 し四年上書 經緯天地曰文成其大 日恭修德 人替想不行曰明此不行威儀悉備曰欽成 従 知不然行不 禮御實曰恭與的故有厚禮回聖禮於此 No. 照臨四方曰 不爽口定不傷勤學好問口文 有禮脚 文章辨體最選 庵静民 明 地有德口襄 照刘尊賢議善曰恭 善賦簡口聖所 成政安民法古 口定 惠樹道德 以取支賜 所稱 此親 不 可 畏則 問恥

金にないたノニー 伐而還了 受諫曰僖深故威強敵德 与正多所 · 成克定福亂曰武以兵往心能制義曰度制事 五宗安之日孝五世淵 多所窮極智質有聖曰獻 豆武能法 口產和退 心畏忌 與同 9 使以服正 胃有勞口衰必征緩柔 傳出所諫争 剛強直理口武剛 比聰明春哲日 一百五 + 而有 曰献之總知 無嚴安民立 直理改強不 以德温柔野 威 也屈 無 有 追

孝解给東德不回日孝順於德安樂撫民曰康無四 所疾数於 民安樂曰康臨而執心克莊曰齊能 動懼口頃概容儀恭美口昭行恭可美敬以敬慎 可事 也寬樂令然日清性寬樂義 招題母恭已 資輔就共口齊資輔佐中 昭德有勞曰昭龍勞柔德安眾曰清成衆聖聞 A PART)鮮言日靖恭已正身治而無肯 文章辨惟索選 巨康好豐年物時肇厚日 情見親口移露 i 布德執義日 平 当野 意 不在 方 ı ..

威德 多分で足る言 同志 胡 八隱無岳 此由義而濟 入處口景也 強發果敢回剛強於 剛武回 以剛果曰威雅 正定治典不 行親追補前過回 白孝指統 白魚恆 圍患禦 口景明義保民者艾 松強發執正 開土兼司 殺回 亂 敢行方大應克就口負正私則少宽大應克就口負能大 布 祈 剛動善 綱治紀曰平 卷一百五十 不息克敬 國 E 一日威那正言 柏萨 以清白守節曰真行清 £ 政施 事之 動民 一胡六 故治民克 **毅仁** 義 彌年壽考 巨柘战 布義行 闢土 囟 曰 上者 者 何慮 服 盡 えとく 門) 戼

德為 次毛四車人 勝敵制強曰莊 追悔前過曰思能改兵草並作曰莊為嚴 故主 何以始之 **於民日** 恩惠能思蘇眾曰元卻之处好和不争曰安以斷行 小通 始之民人省兆民口思於親民主義行德曰元以曰元與驗道德純一曰思随大而始建國都 難克段東政 在与 内思索曰思言求 圉克服回莊随殿服状古述今回察立 其就道德純 1 切言 昭功寧民口商明者死於原野 曰夷縣政不 文章再體原選 聖善周聞口宣聞謂所 屡征段伐 而始建國都 在行見中 三莊

温 砂哉り 私柔質慈民 夙夜恭事曰敬敬 剛克為伐 曰惠與謂述義不克曰丁成義夙夜遊 典武而不遂曰莊武城執 巨惠性知 執心決斷 巨翼地 卷事有功安民 其慈仁 百 弘明徳克 五 + 回肅 A 小勤成名 能通 果言嚴嚴 尊德 就 日烈以城 外内负復 口肅城 合善典法 表揚

忘其爱年 四車人書 之不顯尸 似县 属夷 白靈不能 遠隱拂不成曰隱及其性 極知鬼事曰 死見神能 官 國 口悼 口隱以剛見美堅長 人應實口知能官愎很多 文章群體原選 口靈為屬不 言不修德不 日殤有知 曲禮不愆 思忘愛回 白隱美 而 過 好祭思 今過

福亂方 金ラマ 弱块 威肆行回醌 贼害柔質受谏曰慧以虚貞心大度曰匡 Ź 在國達難 爽口質應您正應和口莫匹 1:17 悔前過回民私此好樂怠政 巨感動 行肆成意 旅好愛動民曰躁養 口悠追 長亂動於亂常口 在國遺愛曰思於我难遇 兵冠 事 百 5. £ 早狐鋪位曰 其和温良好樂 幽場神使 也移 曰荒慈於政 外内縱亂 幽红鋪 奶心 而位 悲 训 E l'h

不深也事 放有行威 次正四車全書 禮怠政外交 華言無實回客被 慈 **嗇於賜與曰愛 秋过疏遠繼位曰** 和服 曰忠解雅思處不與曰厚思而得方 巴處果 好内遠禮曰場那 義擀過口坠期義 E 口推不自明 ग् 透口明近於專博聞多能口憲雖多能 后貪滿志多窮曰惑和 麻自方 文章辨體原選 也去禮遠衆口場教論で 禮 巨節情級 于家 内外實服曰正點 第 小實限可正言以正等發來放口直站 克威惠禮曰魏 其逆天 足 威捷行 **也**者 兘 之パ

青為平亂而不損為靈由義而濟為景餘皆象也 惡為武辟地為襄服遠為桓剛克為僖柔克為懿履正 愛民在刑曰克顧之以此擇善而從曰比此方善除殘 まりて 玄虐曰湯亂而不損為靈隱哀也景武也施德為文除 莊有過為傳施而不成為宣惠無內德為獻治而生 序論宋鄭想 為諡者取一 好更改情口易改常名與實典回然言名其 -非有說也諡法行而其說紛 * 百五十 而實傷

甚多是皆為該法者展轉相因言文雜樣無足取也 火いしり 日本人は自 明 名尤古者益非古法也今考周公之書所用後人之語 生取古人之益而釋以己說集而為法也故蘇氏曰周 之書有愿蒙之書有蘇珀之書其實皆由漢魏以來儒 文尚書有太戴記有世本有獨斷有劉熙之書有來與 其書見於世者有周公諡法有春秋諡法有廣諡有今 公之法反取賀琛之新法而載之書是知世之諡法其 之書有沈約之書有賀琛之書有王彦威之書有蘇冕 文章辨體彙選

金月 巴尼 白星 蒙之書斷然有所去取其善惡有一成之論實前人 實尊甲之號上下之稱且生有爵死有益以是為益木 一 我說編定六家該法乃取周公春秋廣該此約賀琛唇 沈約之書博採古今鈴次有紀然亦無所建明至蘇氏 為諡則父凡亦可以為諡矣無義之談莫此為甚經幾 公侯可以為諡則卿大夫亦可以為諡矣若師長可以 不及也皇也帝也王也公也侯也君也師也長也胥也 我聞也若帝王可以為益則天子亦可以為益矣若 5

人工可事人事 四 之所更必父兄之所命也且生有爵死有益以是為益 語曰孔文子何以為之文也子曰敬而好學不恥下問 二百十越分為三類只以一文見義無事子文之廣無 未之敢聞也蘇氏未蝦及臣不敢後馬謹條其可用者 命名禹取於獸湯取於水桀以喬木約以繹絲是非己 百年間而後蘇氏開之於取累土以命名舜取粮華以 手說之繁庶乎表裹蘇氏之學是亦典禮之大者 後論鄭樵 文章新聞東選

範圍於此况所作之法只採經傳之言其間有大不通 是以謂之文也然則文子之諡初無諡法仲尼則因問 重ないえんだって 好學曰文可也孟子曰陳善閉邪謂之敬而云陳善閉 理處子曰敏而好學不恥下問是以謂之文而云敏而 中也規矩本為方園設而非豫為小大劑量使制器者 遷善改過口益可也左氏口共用之謂勇而云率義共 即其人之行事以釋之奈何先立其法必使人之曲 回敬可也易之益曰君子見善則運有過則改而云 卷一百五十五

次正四車人書 **起取北雞之晨惟家之索義而為索是可用乎千百年** 所渴望者則謂之渴於義安乎取並后匹嫡之義而為 書口賓於四門四門移移而云關於四門口移可乎傳 盈守滿口成何義也至於終始如一者則謂之終為人 日武何義也詩序日太平之者子能持盈守成而云持 用曰勇可也奈何詩曰智矣能言巧言如流曰智可 日友何義也書曰乃聖乃神乃武乃文而云乃聖乃神 日李子生而有文在其手曰友遂命之而云有文在手 文章舞體環選

間學者見之禮官博士行之而斷無以為非者 故太宰何曾雖陷世族之盾而少以高亮嚴肅顯登王 赫師尹民具爾膽言其德行高峻動心以禮耳丘明有 朝然資性驕奢不循軌則詩云節彼南山惟石嚴嚴赫 言儉德之恭侈惡之大也大晉受命勞謙隱約曹受龍 一代顯亦累世野平耳順之年身無三公之位食大國 祖荷保傅之贵方之古人青深負重雖鞠躬盡死猶 晋太军何智益議泰立良 卷一百五十五 次にり事と言 |雄不張國乃滅亡宰相大臣人之表儀若生極其情 敢畏強盛而不盡禮管子有言禮義廉恥是謂四維四 垢辱之聲被有司之刻而家恩貸若自者也問公吊 季世陪臣耳猶書君賊累死不懲况於皇代守典之官 不稱位而乃驕奢過度名被九域以古義言之非惟 1啓手歸全易實而沒盖明慎終死而後已蘇之史 相之宜實壞人倫之教近世以來字臣輔相未有受)陵遅良大教之不行於是作益以紀其終曾參奉 文章辨閣東選

弱情以亂大倫昔郎養外孫皆公子為後春秋書皆人 賣充無子舍宗族ルシ而以 典姓外孫韓 溢為後悖 滅部聖人豈不知外孫親邪但以義推之則無父子 金に入れるところ 親而絕祖宗之礼該法昏亂紀度曰荒請該為荒 配宜蓝緣雕 又無貶是則帝室無王刑也王公貴人復何畏哉所謂 ,維復何寄乎謹按該法名與實爽回緣恬亂肆行 晉賈光誠議奉女良 7 卷一百五十五

論若行狀失其中正坐如博士自古帝王莫不殷勤 雖死使名常存也凡薨必者屬所即言太鴻臚移本 闔棺然後定諡旨累其生時美惡所以為将來勸戒身 是以大行受大名細行受細名行生於已名生於人 按禮益者行之迹也號者功之表也車服者位之章也 大中正條其行節功過承中正移言公府下太常部博 評議為益列上 10 10 /14·10 甄琛 蓝文榜議 袁翻 一益不應法者博士坐如選舉不 文章辨體原送

無復貶降之名禮官之失 子自言君父之行無復相是非之事臣子之欲光楊君 慎以為褒疑之實也今日之行狀皆出自其家任其臣 奪商量是非致號益之如與汎階其果專以極美為稱 武固或加馬然今之博士與古不同惟知依其行狀又 觀其狀也則周孔睽鎮伊顏接祖論其益也雖窮文盡 父但苦迹之不萬行之不美是以極辭肆意無復限量 先問其家人之意臣子所求便為議上都不復斟酌與 至於此案戰司徒行狀至

金月巴屋子言

卷一百五十

Б.

灰毛四車人 常司徒有行狀如此言辭流宕無復即限者悉請裁量 諡法慈惠 愛民日孝宜益日孝穆公自今已 不聽為受必進 比來贈益於例普重如甄琛之流無不復該謂宜依 付法司科罪 (蘇戰鴻名共大賢比迹文穆之 ię, 人立臨不得甚如優越仍踵前來之生 文章稱機量選 べは何足加馬 一後明朝太 날

金りでとして 「辨體康選卷一百五十五 卷一百五十五

蓝議 致定四庫全書 欽定四庫 處直議諡曰昭户部負外即 源益昭議唐李邕 7 (百五 文章辨贈東選)難出至都街為亂兵所殺 別月 祥取婚中 編

沒有餘名此賢達所以砥節也為思者雖生有所幸死 聞義不從與惡相濟蓄罔上之志協羣凶之謀尚容聖 懷所懲此回邪所以易心也鳴乎巨源當未察斯而乃 **国仍固請依前議為又駁之曰夫古之該在乎勘沮將** 則醜止安石他人 了了之為相阿韋托之為親無功而封無德而祿同族 貪妹厚禄自以宰臣之貴不崇朝而贯害者固思得 之業與長君子之風故為善者雖存不貴仕而 八則附邪楚客益之曰昭良恐不當處

百五十

改正四車人書 人 對越天地光揚祖宗既告成功以觀海內惟昔亞獻不 於阿幸何親而結為民季於國家何力而累私大官以 **該之也幽明之憤斷馬可知天地之心自此而見矣頃** 爵於私門忠正者降點於藩郡巨源此縣用事方殷且 者皇運中興功臣翼政時序未幾邪逆執權姦惡者拜 則閣通中人附會武氏託城社之固亂皇家之基其罪 而誅之也彼則匹夫之微未受命而行刑者固人得而 也又國家之事在祀與我酌於禮經陳於郊祭將以 文章新閣原送

容韶草遗韶故得今上輔政阿韋參謀將大業垂成而 一述於前悖逆演成於後時有禮部侍郎徐堅太常博士 周章夷猶倉皇迷該於是太平公王獨為陳謨上官昭 唐紹將欽緒彭景直並言之其徒其罪二也又上天不 皇孫昇垣擬儀拜賜明命將預國事無守國章巨源創 吊光帝遇毒悔禍無徵阿韋將篡畫計未果遂心尚搖 報者職由巨源躡幸温之足焚客附巨源之耳 阿幸蓄無君之誠懷自達之意潛圖帝位議家

思食已往在貝州時屬久陰災逢多雨租庸蠲免中 侵刻樹怨天下剝害生靈兆庶流離戶口減耗况以 泉聲感發狼顧相驚以何幸臨朝以幸温當國其罪三 欠しい事 昭明匪今獨然自古不易三思慮其封物巨源啓此異 則國本何特巨源累踐台輔專行句徵廢越條章崇尚 ,朔黎人海隅士女去其鄉井霭其子孫飢寒切身 一為稼穑湮沈雖無故粟紫桑織紅可輪庸調致使 人為邦本財實聚人奪其財則人心自離無其 The state of the s 10 文章科體景選

故曰益以尊名節以一惠恥名之浮於行也楊文貞體 妄如發述安能分語者哉 議口有國之典存以位叙其德没以該易其名名之小 夕奔命其罪四也但巨源長於華宗仕於累代作萬國 浮素之質協時中之德爰自下列至於宰司東心不渝 大視德之美感等書其著而畧其微要其然而明其義 /相處具瞻之地敵日月之層輝員丘山之重青今乃 唐丞相諡文貞楊館諡議代太常答蘇端駁議梁前

金は、ロンとという

卷一百五十六

がとりまたら 卓毀亂漢政可謂甚矣而漢史曾不以卓之過累於慈 惡悉歸於公斯乃昧於觀行定益之義且非君子成人 **儉厲俗明哲保身曰文與貞在我惟允東公議者其誰** 明晏子陳氏俱事齊侯陳志邪而晏志正春秋亦不以 動心由道與夫立功立事開物濟眾不同日語矣而清 之美也請區而評之昔前與為董卓所舉致位三公及 不然今奉符謂公與元載交将嘗為載薦引載之谷 (惡延於平仲是知道不心合事不必同則載之於 大草柳體深選

以為忠楊公以大名厚位出入三朝無宅一 我我則静而守中因疎為簡適見清節又有發載之 而責之子告季文子相三君無食栗之馬衣吊之妄君之 皆漏泄致群患自极也庸可救于及夫載覆其缺公膺 公其事可見沉當載東釣而公不然大政載以時望慕 大任任職日淺屢以疾辭位且不安安可以寂寥啓悟 心於清白交不蹈瀆可不謂貞子掌訓語東銓衡處 **貳宗伯潤色王度無替厥美加以敬而好學見善** 區無馬

ないり、アイノコモ

百

久足の事人時 名城孫辰継逆祀不得諡文管夷吾臺門反站不得益 **孟武伯寶武子又非克定禍亂之武若以廢禮不稱其** 天地曰文道德博聞曰文愍人接禮曰文不恥下問曰 如不及可不謂文乎謹按臨法負之列有三清白守節 具美果在一名則士文伯孔文子且無經緯天地之文 又安可以二王三恪私廟家祭之闕併責於一名哉若 曰貞大憲克就曰貞憂國忘死曰貞丈之義有六經緯 文慈惠愛人曰文脩德来遠曰文名既不倫事亦殊賞 文章辨體原選

遺詔廷沮邪計其志明矣然不能守故春秋為賢者諱 遺其小節使善惡決於一字褒贬垂於将來盖先王制 敬是知議名之道取其所長則给其所短志其大行則 過傳稱不以一情掩大德語曰無求備於一 說非正議也且聖無全能才不必倫以鄭公徵立言正 益之方也若綜數名實形於公論宜取坦然明白彰於 /函者令或來人之意肆誣謗之辭所謂扶瑕刺骨之 一郎君不如死舜其節大矣而財於知人許公環固執 人盖二

金い人で、人一

卷一百五十

請如前議云爾 父已口戶八方 以保其身告書懸衡九 政送往事居叶恭秉義動問違德惠和以懋其事明哲 太師禀天然懿為唐股胘兩朝當國無績惟允論道數 蘇魏足為定制乎謹上祭典禮近考故事楊公之名 以為文貞也若曰百行所歸九德咸事如周公之文 唐丞相故太保贈太師苗晋柳諡議 獨孤久 /德然後擬議則干古莫嗣而諡典絕矣安在 流剖竹四郡刀尺之下無滞 文章辨體 乘送

為我皇與西府億兆左在太師践危機不易心處横潰 襦榜之内無貧人洛陽居守東夏輯睦天寶之季二京 選乃僚言刈其姓至有拔孝萃而取公器不五六年 事用刑名繩下而太師以曹參為師持清静守職勵翼 **肩衮職者光映册府當代榮之漢史稱胡廣與故吏陟** 王度將順事典人亦寧一厥武茂馬能知人能官人慎 不忘國奮身拔跡於豺狼之口道不污而節不奪忠之 大者至德乾元中天下多故皇綱未張肅宗脩漢宣故

金万世人有事

各一百五十六

父已口戶心島 紳位体周召將加誄諡之制宜以鄰留為準謹按太戴 時哲則能惠宜其享天眉壽為國元老古者生以行觀 |蕃拉為三司太師有馬夫九德咸事寛為之首百工惟 名以配德請諡曰懿獻謹議 禮體和居中曰懿文賢有成曰獻稽千載之令典合一 字以表德貞惠丈子是也或二字以彰善都文終侯留 其志宛以諡易其名諡之美惡視行之大小後代或三 文成侯是也盖其跡大名盛則禮優諡崇太師德冠縉 文章辨體深選

荷推戰受服之寄處方面者數十輩而將不驕卒不墮 章法度守而勿失其為荆州一年有成號今明具賦飲 與三司同鞫大獄獨引律文附會經義而平反之當時 日連任職徒政聰敏蕭給能以才智潤篩吏道至德中 申太芝之奸而三楚之人忧服厥功茂馬自至德以來 物有制而事有倫大抵以威信為主戮陳希昂按 唐丞相故江陵尹御史大夫日諲諡議獨孤及 典理然其論在台司與與雖無匪躬之能然平

重分でたるる

卷一百五十六

政脩人 からしの事となる 挹濁流者難俟清整棼絲者難為功謹當此時能以愁 之盗而楚人到於今循歌部之其識略必有過人者雖 惠易其疾苦且訓其三軍如臂使指闔境無拔焱陷東 以故相國江陵尹無御史大夫贈吏部尚書吕公諲]考禮議名而擬諸其形容請益曰肅謹議 駁議品謹嚴罪 八和如謹者盖鮮矣豈不以人散久矣而矣 人其可乎按該法威德克就曰肅禁恭威也愛人 文章辨體索選

金ピスピノノニュ 時享苗太師崔趙公等雖廷諍之然未堅決公有犯無 都衣冠多繁於三司記試御史中及往良器議事失入 心之議爰立作相獨皆神人其嘉謀嘉敢獻可替否之 **扈蹕靈武忘驅進忠一日三接先朝察匪躬之節納沃** 告事先朝累當大任至德之初天步艱難公首披荆樣 隱引經正辭上是其言刑為之省所全活者盖數百 爛馬明白欲盖而彰者請區而載之乾元收復之緊兩 、則造膝出則說辭溫樹不言難可得而知也至有 卷一百五十六 灰足四年全書 一 善也則子皮之舉子產配权之舉管仲蕭何之舉曹矣 事以推賢任人為務故相國房公琯故吏部侍即幸公 支也公咨以幕府之政會未數歲而二相接武於上 者進賢受上賞書不云乎各緣曰都在知人公踐台衡 明主收雷電之威聖朝行寬大之典者緊公之力也古 天地交泰聖賢相得庶績成熙五典克徒者茲公之舉 人登右職皆公之由今相國黃門侍郎杜公之盜江)公薦在方面之任今相國中書侍郎元公之在度 大章辨體柔選 古台

能禁暴自則幹事忠則利人盛烈弘規不可備樂傳叙 能者乃扶瑕掩瑜之論非中適之言也國家故事字片 武侯之舉將玩方之前人我有餘地其在荆南也戰兵 和眾令行禁止理績為天下最雖古之羊杜無得而踰 令太常議判南之政詳矣而曰在台司與與無匪躬之 巨忠肅謹議 一該皆有二字以彰善旌德馬夫以日公文能無害武 九之德口忠 商恭懿若以美

議擬於形容請該日公

ヨンドノノニ

Į

卷一百五千

灰正四車人 使登大任既同温室之樹且行狀所不載孔子曰君子 惠被於物風諡存乎人故人得而稱之議名之際敢不 莫由有知之者其荆門之政為仁由已略見於事其思 萬務庶政奉臣畏威奉職而已雖有謀誤於嚴郎之 關其所疑而録其尤者著者有司之職也其閱實訟獄 ?士獨孤及議口吕諲任宰相日淺當時會肅宗躬親 **水執政之前前議之詳矣敢辱再告至若推進名賢** 重議日連獨孤及 文章辨懶係選

東孔子作春秋以繩當代而亂臣賊子懼該法亦春秋 取議撰諡其同之說並故吏事之伏恐亂庖人尸祝之 尚書省而考行定該則有司存廷辯可否宜在衆議令 於其所不知盖闕如也故不書今奉符令必用二字且 以忠配肅謹按舊儀凡殁者之故吏得以行状請該於 分違公器不私之誠且非唐虞師錫僉曰之道昔周道 一做古也在懲惡勸善不在哀崇在議美惡不在字多 一伐崇周公殺三點誅淮夷晉重耳一 一戰而霸諸侯

上ノニト

卷一百五十

有文終文成景桓官成之盜雖賣禮甚矣然循爱不 時致太平其事業不一謂一名不足以紀其善於是平 細故言文不言武言武不言文三代以下樸散禮壞乃 豈不優乎而並諡曰武固知書法者必稱其大而略其 於其國隨會之納諫不忘其師言身不失其友其文德 有二字之諡二字諡非古也其源生於哀周施及戰國 武功威矣而皆益曰文以其缺之恪德臨事齊俞之忠 Prid Piet / The T /若漢與蕭何張良霍去病霍光俱以文武大略佐漢 文章解關原選

賽正稱貞則遺其宏俠非一言所能名故曰貞禍公其 珪藍蛇陳叔達臨忠温彦博臨本冬又本臨憲幸巨源 極該愛君而忘身近貞二德並優奏一 **諡昭唐休璟諡忠魏知古諡忠崔日用諡昭其流不** 公謂蕭瑪端直無死近負性多猜貳近禍言禍則失其 一善與然用周漢之制謂魏徵以王道佐時近文直言 費則直以一字目之故杜如晦益成封德奏益明 /推類大抵準此皆有為言之也若跡無殊途事歸 莫可故曰丈貞

多万四月有電

及足四車公書 四 武靈魏安釐秦莊襄焚考烈也杜如晦王珪已下或成 文武成康不如周威烈王慎靚王也蘇桓晉文不如趙 為發一字不必為貶若發貶果在字數則是就舜禹湯 聞其子孫佐吏有以字少稱屈者由此言之二字不必 悉數此並當時赫赫以功名居宰相位該不過一 或明或懿或憲不如蕭瑪之負禍也思考古訓及負閥 以来制度似皆不然今奉符所議云國家故事宰相必以 二字蓝未知出何品式請具謹當以為按據若忠者臣 文章辨體原選

金グセカノニ 曷不肅雅又肅肅王命仲山甫將之肅嚴也敬也忠之 德克就之名足以表之矣月令曰孟秋天地始肅詩曰 事君之常道尚靖恭於位誰則非忠非有炳然之其則 南則人不服肅之時義大矣哉以輕之從政也威能開 屬也天地不肅則歲不成宗廟不肅則禮不立軍旅不 不以為益如議獄緩死任野舉善德之美者然肅者威 俞之不稱文豈心因而重之然後為美魏晉以來以賈 **非德可濟家故以肅易名而忠在其中矣亦猶隨會案** 卷一百五十六

請易名編恐非禮謹按禮記云禮時為大又曰過時 以正四事人事 門 甲令參之禮經而完其行事請依前該曰肅謹議 子者方之東平宜無慙德死之日並臨曰肅當代不以 謝之等質買達之比壮張既之政能程昱之智勇働雅 左司負外郎崔厦議曰郭知運承思詔婆向五十年 為駁何嘗徵一字二字為之升降乎謹上稽前典下據 密重王軍之器量劉恢之聚裁庾其之志略彼 駁議郭知運 准履 文章料體索選

冒昧况今裂 當開元初明贈特加碑誌前等皆出恩命追悼之遇亦 動位表端於附從者竊不中之禮會無妄之求况節度 為禮也昔衛公叔文子卒將與其子成請該於君曰日 月有時將與矣請易其名者盖時不可喻也即度既名 有為而作節度嗣子英人頃屬多故屢制方隅朝廷策 不浮行數紀之前門生故吏已合謀諡令乃申請稿將]當矣今又鹵茶外於,典章追送往之關遺啓将來之 土者接吟專征者百輩光率而行之誰曰

イランド人

卷一百五十六

からモロギーを書 遂其意則先君因嗣子而見尊以僕射而言恐貼越禮 合臨而不以其時則嗣子廢先君之德若不合臨而茍 無情不惟有司疲於簡牘抑恐名器等於草於雖欲曲 全編將不可又禮經云已孫恭貴不為父作臨若節度 /議以國家而言又殊旌善之 工獨派及議口禮時為大順次之將次與易名時也 重議郭知運獨孤及 ·遠請該順也假如諸侯五月而奖鲁惠公 文章柳閣原選 禮請下太常重 17

|無異同之論獨知運以其子不幸遂以過時見切尚必 美日裡四年矣 盧英五年矣顏果鄉八年矣並荷袋龍 云日月有時今請易名者五家無非與後苗太師 殊制無乃不可乎議云户) 薨也有宋師至隱公元年十月而改奠不以踰時廢 可追臨况帝王殊坐不相沿襲新禮則死必有臨不)葵未葵為節則八 公叔戍請該適當獎前謹按禮經會不言已葵則] 孤暴貴不為父作諡此謂 一而與奪

金りでんとう

卷一百

Д

灰足四車全書 四 |越乾元以来累有記追贈百官祖父内外文武具係之 寄位列九柳茂勲崇名與衛霍体飾然之禮宜加於他 運齒者鮮矢奈何懼名器等於草芥以是殺禮竊謂近 屠贩早隸之中雖逢風雲化為侯王其祖父爵位與知 父無位而子居大官不當以已之貴加榮於父也禮不 云乎父為士子為大夫葵以士耳若知運者處方面之 九悉家恩錫或音微人昧或墓木已拱受大名貴位於 等宣待因依嗣子然後作該令之專征者率多起 文章拇備索選 -} 1.

澤浹於天下而獨隔於一人也當開元二年吐蕃以舉 今朝廷方將命將即以征不服討不庭宜褒之以勸握 國之師入五原塞擊桥之聲聞於秦雅知運與郭度雅 九原者以萬數木嘗以及代遠近為限夫贈藍一 兵者安可以莫久而廢大典况大諡法者盖考其言行 時之龍益者不利之令今以歲久而於易名是王 以張王室當時微知運則所隴之西左在是懼 /使生者聞美臨而慕睹惡

生にというといって

A

卷一百五十六

钦定四車全書 四載洛陽覆及於時東都人士狼狼鹿駭猛虎居牙而 知運無子且未嘗立動的位至上將則臨不可感豈以 越而懼不待賞罰而賢不肖皆勸是 其子之存止為請益之可否編榜或結後諸信章易名 禮請如前議謹議 **奕剛毅而忠直方而清勵精吏事所居可紀天質** 之刑本非為殁者之子孫以為良榮寵贈之其假令 唐故御史中丞虚卖諡議獨孤及 3/2 文章科體原選 字之藏賢於 ار اوزد

害雖古烈士方之者解矣或曰洛陽之存也操兵者實 一城泉稅之罪觀者股慄实不變其色西向而解然後受 則生死以之危而去之是智免也於忠何有蓋的息殺 任其咎非執法吏所能抗師將奔去之可也委身寇雙 争其肉居位者皆欲保性命而完妻子或光策高足争 去以死全節誓不辱勢窘力屈以朝服就執循慷慨數 脱羿熨或不恥茍活甘飲盗泉卖獨正身守位蹈義不 死誰對其以為不然男者樂而忠者守心社稷是衛

致定四庫全書 · 事君者勸然則禄山之亂大於里丕孔悝廉察之任切 禮而後身也彼四人者死之日皆於事無補夫豈愛死 勤其官而水死守位而忘驅也怕姬待保姆而火死先 身於晉不食其言也仲由給纓於衛不避其難也玄冥 去宣不以師可虧義不可茍身可殺節不可奪故全其 於斯時也能與執干戈者同其戮力挽之不来推之不 於玄冥之官分命所繫不啻保姆逆黨兵威列於水火 而賈禍也以為死輕於義故蹈義而指生古人書之使 文章科惟景選 t

一始至可謂東德兵先黃門以直道佐時英嗣之以忠終 藩王室可謂圖國兵國危不能極而繼之以死可謂忘 法圖國忘死口貞東德遵業曰列实執憲戎馬之間志 死矣悉官十一 可謂遵業失請臨回貞列謹議 歐陽文忠公該議宋李清臣 太師歐陽公歸老於其家以疾不起將婆公 一任言必 正行必果而清節不撓去之日若

特操於白办之下孰與懷安偷生者同其風哉謹按諡

阪定四車全書 · 謂文矣博士李清臣得其議則閱讀行狀考按該法曰 有過之者方天下溺於末習為章白聲律之時聞公之 子百家馳騁貫穿述作數十百萬言以傳先王之遺意 學者之所師法明於道德見於文章究覧六經孝史諸 其文卓然自成一家比司馬選揚雄韓愈無所不及而 深唐者太師之功於教化治道為最多如太師真可 , 變為古文成知趨尚根本使朝廷文明不愧於三 太常請臨太常合議曰公維聖宋賢臣一 文章科體原選

志亦太師之大節太師常參天下政事進言仁宗七早 聚相視曰其如何則又合議曰文獻豐犯朝臨固不可 也然公平生好諫争當加獻為文獻無已則忠為文忠 唐韓愈李朝權德與孫逖本朝楊億皆臨丈太師固宜 两宫間近於英宗之視政盖太師天 即皇帝位两預定策謀有安社稷功和裕內外周旋 記立皇子使有明名定分以安人心及英宗繼體今 一益吏持衆議曰太常官長有曰文則信然不可易 性正直心誠洞

行り

ă

灰足日華人書 謹議 以麗文宜為當眾以狀授清臣為該議清臣回不改於 廷立事按益法道德博聞曰文廉方公正曰忠今加忠 非分別皆不肖不避人之怨誹祖疾亡身履危以為朝 时月 白無所欺隱不肯也意順俗以求自便安好論列是 幸得以公卿子道世承平因緣一時之言遂至貴 以忠議者之盡也清臣其敢不從逐蓝文忠 這茶靈議 韓維 文章科懶索選 -<u>ት</u>

知此又治家無足言者夫宰相所當東道率禮以弼 著非禮之舉此不忠之大者閨門之內禮分不明夫 子正身齊家以儀百官執中 瑜祖宗舊制執中白而行之曾不憚愧逐使聖朝上 金ピスセールイニーで 丧皇儀非嬪御之禮追册位號於官聞有嫌建廟用樂 顯皇祐之末天子以後宮之丧問所以英祭之禮執中 正室疎薄自絀庶妾賤人悍逐不制醌聲流布行路共 一相不能總率羣司考正儀典以承答天問知治 卷一百五十 不務出此而方杜門深居

人二丁戶 回柴不勤成名回靈執中 公矣得位行政不為不逢死之日皆 勤成名兵請合 出入將相以 111 12

これづ

文章辨體原題

〒

文章辨體層			電河四月 全電
又章辨體氣選卷一百五十六			卷一百五十六

又不可見八十 **巡聖哲同風功美殊稱益出平** 照正性自天 武帝諡議賴庭之 百五十十 文章辨體景選 明 敬所禀因心则 編

一般之所不譯莫不的城請罪款塞来 高故能灑掃中嶽 消殞海蝕斯克弼登庸之基經綸之始者也內難雖好外 為阻挠搶干紀城幾失馭天鑒靈武民屬聖明不假 帝畿思康王路戎不再駕遺氓即序斥堠之所未獨亭 室之資不籍百乘之賦首義馳風 **製貞而不問因時而惕故有来其必亨在晉之季皇塗** 圖木輯河華海岱負固相望判濮燕亳侯服交侵眷言 九鼎神 道會昌寶命既集損而之益沒身愈光既 老百五十 一鼓静亂滌除泰階

在为四月 全書

٠.

中之以話言允所謂教思無窮樹之長世取高上代顧 稱不同益跡因事殊名由義立堯臣尚佐成率兹典伏 臣聞天德平分而四時之名或異聖功一揆而皇王之 邈前王矣 寝機文武 措笏故宸居两楹坐一 而儀刑帝載揖讓天歷改玉乎文祖班瑞乎神宗貫革 **弘治撫辜之仁大美配天必終之以儉德道固萬葉猶**) ラーン・ムー 齊武帝諡議沈約 文章解禮景態 八表國訓成均之學

陣建有國之符成定服之業會朝清明事資於牧野受 成湯百家仁被比屋文王十里化先家妻前聖後賢重 揭 規沓矩震雄圖於九江播靈威於聂讷旌柿未應鯨旣 惟盡寂窮微合神獨照德茂始蒙之主道冠初相之君 自殉弗勞差僰之長無待六事之人義等伐謀功高善 雲舉雖任景黃行降情尺木而拯世濟民沒發懷抱告 含精靈於五緯駕貞明於三象初文勿用英氣凌雲員 日月仰楊霄漢龍姿鳳采與若麗天登庸在試致績

都是四库全書

卷一百五十七

城行海內图图寂寞禮讓交與八柄取下九官咸事臨 欠しりまたかう 踵反舌之 無台雨時若罔愆多稔如積三革不界五及不低庠塾 流靈威與雷霆齊軌上貫蒼昊下洞深泉春無凄風夏 朝凝默導嚴若神風行日烜無思不暢至仁與造化爭 良熙載遠嗣大寶以君百碎敷景化以致隆平字在四夷 ?故儒雅雲集訓閱得宜 萬符有序丹徼青丘之野 作周非止於西伯視膳寝門孝德光備守器宗桃元 (浮深駕阻迴首革而北夷畏力獻琛內款 文章琳雅索選

惟功高五讓道冠三極愛敬始於揚名孝饗終子嚴配 密晦朔不居殯宫将啓勤兹大名宜盡徼極 以為窮神之迹無繼於成名教思所宗言歸於有稱 金人巴尼白電 不報文簡無虚闕方當垂七雕之旗駕八龍之乘望禮 不籍終軍之 以則天為大義盡於望善武功受命理貫于斯文伏 嶽肆覲群后造化不仁移卜愆應慕切遺与哀同過 齊明帝諡議任的 /使無假絕漢之威嘉祥霧合秘瑞泉涌 卷一百五十七

使家少為子野有複成宜天下於掌握覺八荒於戶牖 **詣納採時序貽厥之寄義均負圖粮棟惟新壓馬将及** 寥廓大度誕君人之符附庭小節應軟物之訓歷世名 てこうられた 有縉紳之談鄉塾無横議之士既富而教弘此孝治逐 枉必達官曹寂寞圄行空虚虎門肆義大足協律嚴節 立德以長紹開中與擬度天行取則乾健日是罷朝幽 服既而主幼時難仍離屯蹇應當壁之祥注息有之願 於是承制宣德定策公卿登嗣后於西鐘及獨夫於侯 大章辨體原選

電去殘曰湯益者行之迹號者功之表雖賤不誄貴半 能上變雲物下漏深泉若乃青五丹陵之國黃銀紫玉 臣聞翼善傳聖曰堯仁聖盛明曰舜受禪成功曰禹除 之場幽符遠幸詢德報功方将,見道日觀清宮鳴澤為 電微金六之家 恩絕淑風之館天應民和祥符您暨故 謂中衝均真懸衡共軌者數 而不恃高揖成功百川所以朝宗參辰於馬取正豈所 梁高祖武帝諡議元帝前釋

金分四月分書

卷一百五十七

實錄也斯所以聲明燥乎鐘石昭晰備於經管者馬伏 沙迁四軍全書 惟天縱欽明惟屠作聖功赵三五聲踰七十仰之彌高 歸蒼生不可以無主降汾陽之遠志不得已而臨之 景從表裏提福受終文祖名恭克讓知點首不可以無 胥之悲八表與横流之敦乃凝威黑水表端丹陵雲合 属乾維罔構地紐如崩視祀阽危公卿旰食九牧有淪 不誄尊而彰乎名者盛德之嘉號也被於物者治定心 |彌遠載潜載躍乃武乃文先是木運告終羣后改 , si 文章群體承送

是 泰王道升平南海候風東溟奉貢膏露凝枝慶雲觸 格區宇不以紫宸為貴不以黃屋為尊政證刑措 則名王燰 35 國阜虹旌式卷堡燧載清胥家相因琛若無曠天衢 與和氣俱宣扇此王風改與秋霜並肅言懸日月功 開倉壁地出立珪縣騎把鐵則休屠款塞太尉抗推 題帝裡宗革命創制稀郊式展殷薦斯潔臨兹 庠建序布護於成均正俗移風氛氲於司樂 ノーデア 角聲教所漸淡靈地之都威令所行通烟龍 L ď ช £2 + Ł

火足四東という 密煩究茶毒贯切心髓風樹不静防站何期思所以 論傷三辰掩曜人祇軫慕山海舎悲慟切陟方哀深過 矣方且告成岱嶽鏤升中之玉簡昭事深南秘社首心 納十亂引該直之規廣闢四門弘招賢之德青於知擊 金繩而文王明夷事侔往册黃帝橋山痛深前典萬有 終所收之典史倚所讀之書無報萬幾日且十遍馳郁 郁之聲表乾乾之德允所謂皇哉君哉日用而不知者 性黃髮恣鼓腹之散加以饋味微言研精至道文 文章辨體氣選

玉振之以詔厚無窮之間者帝莫盛於克舜王莫隆於 諡於帝伏思在告帝王生屑大名終紀大行使金聲而 其迹者薦名曰天至德汪洋澤萬世而不有其功者建 廟號文武臣謹上議曰臣関元精磅磚齊萬物而不的 臣伏奉勒命以七月二十九日集官於南郊擅告天請 上大行皇帝諡曰神文聖武明孝皇帝差官撰諡議及 若九功仰稽七德 金グピルグラ 宋仁宗諡號議王廷 老一百五十七

钦定四庫全書 戒懼庶以答靈心之顏謂民懷之靡常迺涵客與沫庶 以的善類之婦知括萬慮而不可順思滲四根而不可 馳視所未形依然積思所不及謂天命之匪易通嚴恭 之業而能守以約攬泰定之執而弗恃以安固害邀然 必質於郊然後定之兹所以推天下之至美明天下之 姿水累理之序流大漢之豈弟履放動之欽明艺富有 禹湯也益易名之典下不得誄上古者将為至尊之 至公雖天子不得以自專也洪惟大行皇帝躬上智之 P. Car 文章辨禮景選

生而不傷辱公庶尹罔弗夷正相與謀王之朝殊隣絕 典禮而黼黻之宥恕刑獄而荡滌之惠辰国窮而衣食 酸之材降志以從忠直之辣振立賞罰而權衡之章明 順祇相與立王之塗益仁政之施沛然其若是莫之 區周弗億寧相與慕王之境父父子子凡兄弟弟問弗 形如兩儀之無不蠢載如三辰之無不臨燭於是修廢 官縫絕世禮高年勸力穑減常賦抑末游歷已以馭豪 人情莫不欲逆愛其力而不勞人情莫不欲壽輔其

も) モノナト

遊之欲念組織之勤則卻服御之華念上木之費則損 是子屏燕飲之娱知雜鬼之獲舜於精神於是乎絕盤 禦也別復耕籍於千畝之田格祭於先王之廟報天之 飲定四軍全書 一 議樂之紹以考鐘石之和置寫書之官以級經墳之學 誠篤則八真於園丘嚴父之志盡則再侑於明堂宗室 聖作也飛毫灑落肆天縱也知聲色之靡伐於德義於 **適並敷席圖講與也凝機被字資味道也源思粹發窮** 既蕃則廣諸分王之愛邦統未昭則豫有主器之屬下 文章辨體景選

成不这判山之御王衣雖在空陳渭水之遊嘉原既新 南蜒肆奸不欲深入海逸而自致崇街之修時則有偷 宮室之麗西悉阻命不欲久戍勞師而遂納玉關之誓 同軟迫至張鳳益於北極引龍輸之西巡此萬國所 自詩書之載揆厥所元終都攸卒未有如兹之敬者也 於兹可謂海内大治矣竊迹義皇之前爱辱莫索其 ヨラし 万将勤鴻休受永祐豈圖神機效厭邦釁工延仙鼎戶 一、較漢卓攀之貢委應圖合謀汤清之瑞叢四十二 卷一百五十七

推心三靈為之變色有司繇是飭僖典册王稱皇哉樂 神經天緯地曰文通達先知曰聖保大定功曰武昭臨 乎幾有以綏王靈而炳帝烈也謹按諡法一民無為曰 四方曰明慈惠爱親曰孝若乃羣生堪堪鼓之舞之不 次定り車を打一 知至化之所自然非至神庫制禮作樂際天接地與然 非至理子戴白之老不識兵革之些非至武乎追末荒 而大備非至文子永惟宗廟之奉實發先識以達大本)情格於聽聞而無所遺非至明乎惇叙九族以述 文章群體票選

賢之君莫不極所以等明令顯之稱又或至於代相襲 祖德以守成為宗皆尊等之大誼也大行皇帝尊諡宜 子詩云維天之命於穆不已此之謂與惟功以創業為 儒鉅學乃畧於稱求将天之所改期以克配大行之廟 きらせんとこ 夫祖先之志非至孝乎專廟號之建尚矣惟其歷古聖 天錫之口神文聖武明孝皇帝廟曰仁宗臣謹議 夫仁者聖人之盛德宣獨未有以當之耶抑當時鴻 成肅皇后諡議衛四 F 巻一百五十七

欲求其孫謀之治三者備而後二南無餘總坤道無遺 之功故禮義致化周詩所以載二南之本光大含弘義 改定四重全書 一 婦道之勤傲戒於中則欲觀其內則之助保艾爾後則 易所以替重坤之泉盖后妃之德始於閏門刑於邦家 臣聞論母后之極致者莫大乎盡事尊之孝而饗重闡 功矣書契以来位配於方私禮崇於東朝為國壽母就 垂於來裔其體則 人養備母道之紅全者莫大子問親傳之盛而無擁右 一而其用有三承順於上則欲舜其 文章辨禮深選 +

共孝敬於三朝之上以言子齊家則輔佐受勤於三 姜當為京室之婦矣而文緣不拉世而隆夫惟天功靳 战慶莫長於祚嗣而或莫遂乎含的之樂二 盛时未有效馬故養莫嚴於男姑而或干 安長樂者何代無之至於原始要終善并美具則在皆 矧夫塗山沙麓之與大明思齊之作以言子奉親則克 於渾全人道難乎具備簪終族系四世祖孫全者有幾 **虞親逢授受之舉矣而堯舜非一** 老一で 五十十 門之美大任媚於局 全乎逮事さ 妃嬪於有

次正四車全書 一个 於六字寶冊侈乎四上尊崇之養康寧之福兵乎不可 宣明則有以彰天作之合母育累朝壽盈七変歸榮行 髫之初體相多異則有以著倪天之表受冊之夕日華 官遊與之事布從圖史之箴自婚級艇是則頻藻必躬 無而全之未有如太皇之盛者也恭惟大行太皇太后 之久以言乎陰祐則翊扶神器於再傳之際皇乎休哉 化始閨閫風行那國有亷退之節有榝嘉之行迹其垂 端精而誠莊叔聖而柔令惠問光於彤筦慈儀冠字六 文章粹體票選

觸則充悅於龍顏嚴君既樂聖嗣之無違永壽益喜椒 **該而吉甘必進紀千秋之節則每從於鳳輦上萬歲之** 関時惟太皇充修壺職鷄鳴問安而喜爱有常盟櫛佐 大位無愧尚唐重華協帝晨昏定省共為子職行過曾 尚已若乃發揚其鮮隱之休推美其難名之懿則若此 餘毫釐無間及乎勛華嚴代慈福永年傳歸于子已居 ヨンドル 類殆未能好婦其萬一馬伊告思凌康強服務充異 盡爱於是五日 į 朝之禮風雨弗渝兩宮九門之 巻一百五十七 次足四年全時 一个 脱簪之誠形於誕告有以相勵精之動損常儀裁妄皆 孙建鰥如文懷保時惟太皇基迹潜邸謹禮度嚴內外 洪惟阜陵朝聽夕訪如湯日新復華衣鄉如禹服菲邱 **執東麻始終之際無遺恨馬此則送往事居婦道昭矣** 太母之尊思婚諸姑猶執寢門之敬以至疾視涉液丧 人倫既正朝廷既治隆範淳熙之 不忍之心日膳一年上章懇免有以廣爱物之仁是以 三幹之衣數年不易有以佐克己之儉運傷生之戒推 支章辨體架選 政轉海仰宵好之

太皇一德一 震子之策相與齊蹤於揖遜而不以脫屣為太遽奉承 競無偏無陂皇嗣既立資善聲開緑車好侍聖情怪偷 高路於布處而不以澹泊為難能三聖相授干古同符 風流寫厚衣食滋植暨至邊偶有婚供億治穰出私谷 此則自家刑國內助著矣紹熙五禮烈祖奄棄而遐非 二十八年之間當宁無聲色之迹速夫替乾剛之銜決 光廟對然而在疚慾皇獨斷於心憲聖協謀於內時惟 金グセル ノニー 心是到是保神孫御極式遵慈訓不然不 卷一百 五十七

則極言其保右斯三者繇漢歷唐童未前聞惟皇天佑 則垂休罔極而詒謀遠矣是以初定長秋之序則禀命 錢給戰士費其視衣大練衣無關政之心殆有過馬此 次足り事合島 之所未能全備皆人之所未能備易詩所載二南重坤 於我家惟我宋代有賢后是以大行太皇太后全前世 於庭闡再舉鴻名之典則歸尊於儀範未原內禪之 之德程人復起不可有加矣揆厥始初序兒四妃歲瑜 一紀和平逮下久而始正位號則關雎之 文章州體景選 樂得叔女也 助

· 迤四世垂範作則與宋無疆非成之大子筋正宫盡宣 戒曰敬能執婦道曰嚴因嚴放敬曰肅夫微音懿樂演 忽親取之上賓痛仙遊之莫迈因山有制先遠告期皇 端哉盛德至善則防於前三者矣春朝介壽将舉經傷 派分江左青本高華而述其世緒無然形於抑損則葛 統於所尊率循桑典謹按蓝法婦德均一日成風夜婚 上演絕祖武躬執通丧申拾禮官替經訊律即惠易名 覃之不怎母家也外門之無私謁也蹈和率禮夫豈一

卷一百五十七

•		 				1 3.	
欠らりはんかう 一				日肅成皇后	述臣子之職而已大行太皇太后宜以宗廟之命錫之	畫日月形容天地模擬有限而德美無窮揚厲鋪張姑	暢陰教上惠於宗公下庇於雲仍非肅之至乎竊惟繪
5				澗	臣	H	图
į				以	子	月,	教
7.1				里	*	ゼ	击
5				石	雌	谷	党
-					ற	大	经
1					ب	地	灭
					大	模	公
ł					仃	擬	1
丈章辨體景態					太	有	以
辨世					里	限	02
					太	西	六
逐					石	德	1/2
					A	夫	非
					这	热	期
					亚	躬	\frac{7}{2}
ŧ,					劉	揭	表
83						萬	丁
					組	輔	稳
					30	於	集
	L	 	<u> </u>		~	スカ	心胃

文章辨體					一年为四人有一
東選					
文章辨體柔選卷一百五十七		,		-	卷一百五十七

宜曰忠文子陳留終岂議曰昔在聖人之制諡也将以 欠正日日上 勘善彰惡俾氏與行賢愚滅否依事 協議四 欽定四庫全書 漢益州刺史南陽朱公叔卒門人陳季珪等議所謚云 朱公叔私蓝議漢蔡邕 辨體彙學卷一百五十 文章辨體景選 明 賀復徴 編

謹覧陳生さ 金グピルイニー 類莫貴子人百行莫美子忠故及后氏正以人統教以 間馬今子直察襲前業不忘遺則孝既至矣禮實宜之 考禮定儀加陳留府君以益州之諡是後覧之者亦無 子與五等之節然後有之公卿大臣其禮闕爲歷世彌 久莫之或修益州府君貫綜典行率由舊章始與諸儒 配號傳於無窮秦以世言諡而默其事漢與以来唯天 /穢罔不具存自王公以降至於列國大夫皆用 議思此文之意察之羣典格之 一 滋法太為

卷一百

忠矣其在部臣匡牧善漢精白一心疑不我聽者果有 火に刃事合き 大之獄必以情情忠之屬也又曰上思利人曰也無下 忠子又曰忠馬能勿誨乎謀誨之忠也春秋左傳曰小 忠德然則忠也者人德之至也而猶有三馬孔子曰進 事至沒身也言不數子口忠謀不已子心其在帝室正 思盡此又曰臣事君以忠奉上之忠也曰為人謀而不 身危行言如低矢策合神明塞塞之諫文章具存奉上 之忠也三者人之則也而忠行乎其中益州府君自始 文章辨體深意

子春秋外傳白忠文之實也然則文忠之彰也忠以為 馬君子曰相三君矣而無私積可不謂忠乎而諡曰文 者皆曾李孫行父卒字及家器無衣帛之妄無食栗之 年数而居無畜好財貨不益售粮食布象縣謂之精題 夫豈淫刑将有利也發墓盜極議而不罪夫豈漏姦察 以情也無下忠矣位在牧伯職據納言東權食禄實行 躓覆不測之禍謀海忠矣爰收益州時值山荒勞心苦 思勤恤庶事誅斃貧暴糾載貴黨雖則強禦當官能行 金に人にんろうで 卷一百五十八

飲定四車全書 學不配下問仲尼與之是勤學好問之稱文也府君所 史示有攸尊能下問矣有一於此猶可以稱況乃忠無 之稱文也衛大夫孔圉諡曰文子子貢疑馬惟敬而好 利矣孙亦與馬於是遷而遂卒盖曰文公是危見利民 在屢以忤違阽以深患尚除民害死生以之前後三點 罹疾廢於是危矣無包六典命世作師猶復宗事趙 了蘧篠下遷於釋史曰利於民不利於君公曰民尚 事通議合兩名一致是忠貞儉之稱文也 文章朝體索送

禮與同盟諸侯敵體故也又禮緣臣子成欲尊其君父 故雖使伯子男之臣自稱其君成得曰公及其卒也異 其等與諸侯並故以公配春秋日劉卷卒英劉文公公 孔文子公叔文子皆諸侯之臣也至於王室之卿太夫 ─義文備三徳於古志不悖而諡法亦曰宜矣本議曰 - 傳日劉卷者何天子大夫也經又曰王子虎卒左傳 王叔文子卒而如同盟禮也此皆天子大夫得稱其 子按古之以子配益者魯之季文子孟懿子衛之

đ

ŧ

次定四年全書 八 門人臣子所稱之宜可於公父之中擇一處馬使不得 之稱也父雖非爵號與天子諸侯战用優賢禮同順子 說時聽周有仲山甫伯陽嘉又優老之稱也宋有正考 義也以例言之則府君王室亞卿也有王叔劉氏之比 國之人稱之皆然是以都子許男稱公以幹春秋之正 父魯有尼父配該之稱也春秋曰孔父而曰伯其父亡 是也今日公補可若稱子則降等多矣懼禮廢日久将 以臣子之辭言之則有都許稱公之文雖無上而其位 文章辨體豪送

傳曰物生而後有象象而後有滋滋而後有數數成而 稱子而己 淵顏吳先生私諡議 老一百五十八 明宋濂

經學聖人者必法經以為文學之於木經其區幹者與 地品裁六度叶和三靈數陳五異問道四德何莫非文 文見矣是則丈者固囿乎天地之中而實能衛翼乎天 所為而所謂文者非他道而已矣故理人載之則為

其柯條者與安可以岐而二之也自史氏失職以

欠らりられたす 略三傳而發其縊於諸子則研聚真偽而買其言於三 史則析分義例而嚴其銜藻績所及無物不華汪如大 汗簡日積於詩書則科分脈終而內 朗才猷允茂漱六藝之芳潤為一 江峻如喬嶽敦如雷電和如春陽其妙用通於造化其 古義益遠矣有爾長卿書院山長吳公先生風裁峻 /儒林以辭章書之文苑雖《昭後世之與而矢 **岩應龍之不可羁觀其所志直欲等秦漢而** 文章辨體宗選 代之丈英國 凡於春秋則脫 رد

